

ATXILOKETAK. Guardia Zibilak azken polizia operazioan atxilotu zuen, eta deklaratu ostean aske geratu zen

Atxiloaldia «jasangaitza» izan zela esan du Mokoroak

Ostiralerako geldialdiak eta manifestazioak
antolatu ditu gazte mugimenduak

Erredakzioa | **DONOSTIA**

Abuztuaren 31z geroztik Guardia Zibilak Donostian eta Andoainen egin duen polizia operazioari lotuta agerraldia egin zuten atzo Donostian zenbait lagunek. Gazte mugimenduen ordezkariak, eta atxilotu ondoren aske geratu diren bat izan ziren agerraldian, besteak beste. Aitor Mokoroa, irailaren 1ean atxilotu zuten, eta hilaren 5ean askatu zuten Ismael Moreno epailearen aurrean deklaratu ondoren.

Mokoroak torturak salatatu zituen epailearen aurrean, eta atzo, atxilotuta egon zenean jasandako tratuen inguruko go-

goeta egin zuen. Atxiloaldia «oso gogorra» izan zela esan zuen Mokoroak eta egun horiek «jasangaitzak» izan zirela. Hiltzeko mehatxuak, irainak, kolpeak eta abar jasan zituen.

Guardia Zibilaren esku egon zen bitartean beste atxilotu batzuen oihuak entzun zituela adierazi zuen. «Minak eta beldurak eragindako oihuak ziren. Oso zaila da adieraztea une horretan pertsona batek zer sentitzen duen». Horrelako gertaerak izatea «harrigarria» dela esan zuen Mokoroak, eta tortura behin betiko amaitzeko bideak jarri behar direla.

Gazte mugimenduko ordezkari batek gazteen kontrako



JON URBE / ARGAZKI PRESS

Aitor Mokoroa eta gazte mugimenduko ordezkari bat, mahaian, beste zenbait herritar atzean dituztela.

erasoa salatu zuen, baina gazteria geraziko duen «atxiloketa, ilegalizazio edo mugarik ez» da goela esan zuen.

«Erasoari aurre egiteko, donostiar gazteriak aurrera egiteko hautua egin du», esan zuen. Ildo horretan, ostiralean geldialdiak antolatu dituzte Donostialdeko ikastetxeetan 11:30etik aurrera, eta 12:30ean manifestazioa Bulebarretik ate-

rata. Iluntzeko 21:00etan beste manifestazio bat aterako da Bulebarretik.

Bestetik, Guardia Zibilak eginitako polizia operazio horrekin lotuta gazte bat geratzen da Guardia Zibilaren esku, Arkaitz Labeaga. Ostiralean atxilotu zuten Andoainen (Gipuzkoa), eta atzo oraindik polizia etxean zegoen. Labeaga Donostiako udaltzaina da. Labeaga bizkar-

tzainen ikastaro batean «infiltratzen» saiatu zela kaleratu zuten zenbait mediok, eta ELA sindikatuak hori gezurtatu zuen atzo. Ikastaroa egitera «behar-tu» zutela argitu zuen. Halaber udaltzaingoaz egiten den «manipulazioa» salatatu zuten. Labeaga ESAIT taldeko kidea ere bada, eta Euskal Selekzioaren Aldeko Iritzi Taldeak elkartasuna adierazi zion atzo ohar batean.

GRADUONDOKO TITULUAK

HIZKUNTZA, INFORMAZIOA ETA KOMUNIKAZIOAN

ILCLI



Universidad
del País Vasco

Euskal Herriko
Unibertsitatea

2. promozioa (2002-2004)

(Unibertsitate-espezialista eta Unibertsitate-masterra)

Egunkaria

EHUko ILCLIk eratua EUSKALDUNON EGUNKARIArekin lankidetzan

EGITARAUA

(kreditu teoriko bakoitza 10 eskola-orduri dagokio)

2002-2003 IKASTURTEA:

1. Euskararen erabilera komunikabideetan.
2. Euskal Herriko ekonomiaren egoera gaur egun.
3. Hitzaren estrategiak komunikabide zahar eta berrietan.
4. Komunikazioaren psikologia.
5. Komunikabideak eta iritzi politikoa.
6. Informazio eta komunikazioaren produkzio multimediatikoa.
7. Gure kazetagitza hizkerak.
8. Informazioaren aurkezpen era berriak.
9. Komunikabideen eragina gizarteetan.
10. Euskararen bilakaera eta euskararen bilakaera aro garaikidean.
11. Komunikazioaren etika.

2003-2004 IKASTURTEA:

1. Komunikazioa Internet sarean.
2. Erretorika komunikabideetan.
3. Komunikazioa, informazioa eta esanahia: ageriko eta ezkutuko komunikazioa.

4. Komunikazio kabineteak eta prentsa arduradunen zeregina.

5. Gizarte ikerketarako teknikak.
6. Komunikazioaren estetika.
7. Ikus-entzunezkoaren arautzea eta komunikazio-enpresen egitura: azken urteotako joerak.
8. Komunikazio esparrua.
9. Telebistaren bilakaera Euskal Herrian.
10. Euskal sistema politikoaz.
11. Gizarte psikologia eta iritzi publikoa.

IRAKASLEAK

Josu Amezaga, Edorta Arana, Irene Arraras, Patxi Azpillaga, Xabier Barrutia, Andoni Egaña, Helena Franko, Matxalen Garmendia, Joserra Gartzia, Mikel Haranburu, Joxe Jabier Iñigo, Ander Iturriotz, Koldo Izagirre, Yolanda Jubeto, Kepa Korta, Jesus M. Larrazabal, Xabier Lekuona, Anjel Lertxundi, Solange Mariluz, Jesus M. Mujika, Martxelo Otamendi, Simon Peña, Patxi Petrirena, Maje Saez, Andoni Sagarna, Jose Valencia, Mario Zubiaga, Mikel Zurbano

LAN PRAKTIKAK

EUSKALDUNON EGUNKARIArekin egingo dira praktikak

ORDUTEGIA

2002ko azaroan hasi eta 2002ko ekainean bukatuko dira. Ostiralean (arratsaldeko 16:00etatik 20:30era) eta larunbatetan (goizeko 09:00etatik 13:30era).

TOKIA

ILCLI institutua.

IZEN EMATEKO EPEA

2002ko irailaren 27 arte.

BESTELAKO DATUAK

Bekak egongo dira Masterra egiten dutenek EUSKALDUNON EGUNKARIArekin lan poltsa osatuko dute

INFORMAZIOA ETA IZEN EMATEA

ILCLI. EHU, Villa Asunción
Jose Elsoegi alkatearen hiribidea 275, 20015 Donostia
Telefonoa (goizeko 09:00etatik 13:00era): 943-017451
Internet: <http://www.sc.ehu.es/ilcli>